

Baibél Fuain Dólla
Házir óiye

Isá Moósir
Zormo



Lekoya: Edward Hughes

Nokcá tulóiya: M. Maillot
Alastair Paterson

Borabor goróya: E. Frischbutter; Sarah S.

Torjuma goroya: John Anwar

Neelaiyé de óilde: Bible for Children
www.M1914.org

©2022 Bible for Children, Inc.

Laisen: Tuáñttú e kaháni yían neelai bólla yátou copí gorí bólla
hók asé, zetún fóijjonto tuñí yían óre nóo beso.



Boóut age, Alla ye Gibiraíl fírista
re uggwá Yuhúdir kumári maiya
fuar héçe difeçáiyé. Híbar nam
óilde Moriyam. Fírista ye híba
re hoódde, "Tuáñttu uggwá
fua óibou, tuñí Íbar nam
Isá rakibí. Íba re Alla Tálar

Fua hoói dhaha
zaibou. Íba ye
abadulabad
rastiri
(hokúmot)

goríbou."



Maiya fua ye ammúk ói zuab dedde,
"Yían keéngori ói faribóu, añáre
honó manúice nóo dóre." Fírista
ye Mariyam oré hoiyé de,
Fua Íba Alla ttú aibóu.
Íba ttú honó insán
baf no tákibou.



Fírista ye aró hoiyé de,
tuáñr sañto bóin Elizábet
óttu búra boc ot uggwá
fua óibou. Yián ó ekkán
kudurut. Kessú thaim
baade, Moriyam
Elizábet lói dolá
óiyé, ar tará mili
Allar taarif
goijjé.



Moriyam loi Yusuf loi
biyá óibar hotá thík
óoil. Yusufe Moriyam
ottú feçot fua óiye
de hoóifari gom náo
lagé. Te tháajjil
de, fua íba oinno
uggwá baf or.



Ek cóppon ot, Allar fírista ye
Yusuf óre dahádi hoódde,
Tui Moriyam oré biyá goittóu
cók no goríc, kiyólla-hoilé
híbar feçot ze fua wa asé,
Íba Allar Fua.



Yusufe Allar hotá mainníl edde bóraca goijjíl. Te
tar dec ór kaánun oré yó mainníl. Hé noiya kaánun
yían or zoriya te edde
Moriyam betelhém
ot házana
ditou giyé.



Moriyam ottú fua
óibar thaim óiye.
Montor Yusufe honó
míkka zaga nóo fa.
Fottí booçing
bóraiya accíl.



Ahérit Yusufe ekkán ura faiyé. Héçe Isá Moósi
foida óiye. Íbar maá ye Íba re
hándhail ot raikké, zeçé
goorú-sóol ókkol
or hána
tákitou.



Ate-hañsé béra-sóol soroya ókkole sóol soñi gorér.
Hétunot Allar fírista ye tará re dahá dí taajuppa
hóbor fúnaiye. "Ajja Dawud or cóor
ot uggwá Nazat dooya

foida óiye,
Zibár nam
Malik Isá.
Tuáñra Fua
wa

re hándhail ot
foijjá dekíba."



Atíkka, aró boóut nurani fírista ókkol dahá
diyé, tará Allar taarif gorí-gorí hoódde,
"Uore Jonnot ot Allar taarif óuk,
edde duniyait Íbar
manúic



ókkol or uore,
zetará loi Alla
kúci óu ítarar
háñse cánti óuk."



Béra-sóol soróya ókkol toratori gooru
urat giyé. Tará Gura fua Isá re deki
fottí zon oré hoiyé de, fírista ye hoiyé
de héndilla tará Isá re deikké.



Salic din baade, Yusuf edde
Moriyame Isá re Jerúsalem
ot baitul-mukaddas ot
ainné. Héçe Cámuon name
ekzon manúice Fua wá
llá Allar taarif goijjé,
ar Anna ye
edde arek

zon Malik
or gulame
Allar
cúkuriya
goijjé.



Tará duni zone zainto de, Isá
Allar Fua, waada goijjá
Nazat-dooya. Yusúfe duwá
faik kurbaní diyé. Allar
córiyot ot hoiyé de ki,




zeñtté uggwá noiya óiye
de fua ré Allar hañsé
gosái dibou,
héñtte zodi
gorif
manúic óile
duwá faik
kurbani
diya
foribóu.



Kessú hal baade,
uggwá tara yé
fondhit ókkol ore
fugor dec óttu
Jerusalem
ot ainné.

Tará fusár goijjíl, "Yuhúdir
baañccá zormo óiye de Íba
hoçé, añára ttú Íba ré
sóida goittóu mone hoór?"




Baáñccá Hérude fondhit
ókkol or hóbor fúni
ferecani óiye. Te tará
re hoóil de ki, "Tuáñra
Isá re loót faile añáre
hoiyó, añí yó Íba re
sóida goijjúm." Háñleke
te misá hotá hoiyé.
Tattú Isá re marifélai
tóu mone hoóil.



Tara wá hé fondhit ókkol
óre borabor zagat loi giyé,
zeçé Moriyam edde Yusúf
Fuar fúañti accíl. Tará Isá
re sóida gorí yóre boóut
cúna edde kúcbo hadiya
ókkol diyé.




Alla ye fondhit ókkol óre zuité
gorí tarár gór ot zaiboilla
hoiyé. Hérud guiccá óigiyoi,
ar Isá re mari félai bólla
fáisela goijjé. Íte Betélhem
ot asé de gura fuain beggún
ore marifélaiye.



Montor Hérude Allar
Fua re honó kessú gorí
nó fare. Moriyam edde
Yusúfe Isá re loi Ijjíp
ot zai bóilla, Yusuf
óre cóppon ot
úñciyári diíl.



Zeñtté Hérud
mori giyói, Yusúfe
Moriyam edde Isá re
Ijjíp óttu waáfes
ainné.



Baade ítara Nasárat cóor ot
táikke, ziyán Galil or doijjar dháke.



Isá Moósir Zormo

Allar Kalam ottú ekkán kaháni, Baibél,

loot fade

Moti Rukú 1-2, Lukás Rukú 1-2

"Tuáñr Kalam gólaye foór diye."
Zobur Córif 119:130



Fúraiye



E Pak Kitab or kaháni ye añára re
añárár taijjuppa Allar baabute cíkaibou, zibá ye
añára re banaiyé edde zibá ye saádde, tuñí Íba re sinó.

Alla ye zane añára hóraf ham goijjí, ziín óre Íba ye guná hoó.
Gunár cánza óilde moot, montor Alla ye tuáñre becí muhábbot
goré de hétolla, Íba ye Íbar siríf ek Fuá Isá re difeçáiyé, taáke
kúruc ot foran de, edde tuáñr zoriya cánza fa. Baade Isá zinda
óiyore Íbar ghór ziyán Jonnot híyan ot giyégoi. Zodi tuñí Isár
uore iman aní, tuáñr gunár maf maiggó de óile, tooile Íba ye
tuáñre maf gorí dibou. Íba éhon tuáñr héçe aibóu edde f
úañti tákibou, ar tuñí Íbar fúañti zindigibór tákiba.

Zodi tuñí yían sóiyi de biccác goró, tooile Alla re yían hoó:
Óu adoijsa Isá, añí biccác gorí de, Tuñí insán boni duniyait aái
añár guná llá foran diyó, edde Tuñí abár zinda óiyo. Meérbani
gorí añár zindigit aiyó edde añar guná re maf goró, taáke ehón
añí noiya zindigi fai, ar ek din jonnot ot zai Tuáñr fúañti
há mica táki fari. Añáre modot goró, taáke añí tuáñre
mani edde Tuáñr fua boni táki fari. Amin

Fottí din Baibél foró edde Alla loi hotá hoó. Yuhúnna 3:16

